

Ishonch

2018-yil 23-yanvar • seshanba • № 10 (3983)

O'zbekiston kasaba uyushmalari Federatsiyasining nashri • Gazeta 1991-yil 21-martdan chiqa boshlagan • www.ishonch.uz • e-mail: xatlar@ishonch-doverie.uz

Ўзбекистон Республикаси Президентининг ФАРМОНИ

2017 — 2021 йилларда Ўзбекистон РЕСПУБЛИКАСИНИ РИВОЖЛАНТИРИШНИНГ БЕШТА УСТУВОР ЙЎНАЛИШИ БЎЙИЧА ҲАРАКАТЛАР СТРАТЕГИЯСИНИ «ФАОЛ ТАДБИРКОРЛИК, ИННОВАЦИОН ҒОЯЛАР ВА ТЕХНОЛОГИЯЛАРНИ ҚЎЛЛАБ-ҚУВВАТЛАШ ЙИЛИ»ДА АМАЛГА ОШИРИШГА ОИД ДАВЛАТ ДАСТУРИ ТЎҒРИСИДА

2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси (кейинги ўринларда Ҳаракатлар стратегияси деб юритилади) ўрта муддатли истиқболда давлат сиёсатининг устувор йўналишларини белгилаб берган энг муҳим дастурий ҳужжат ҳисобланади.

2017 йилда Ҳаракатлар стратегиясини амалга оширишда алоҳида эътибор «Инсон манфаатлари — ҳамма нарсадан усту» деган тамойил ва «Халқ давлат идораларига эмас, давлат идоралари халқимизга хизмат қилиши керак» деган эзгу ғоянинг, энг аввало, халқ билан тўғридан-тўғри мулоқот ўрнатилиши ҳамда фуқаролар ҳуқуқлари, эркинликлари ва қонуний манфаатларининг реал ҳимоя қилинишини таъминлаш орқали ҳаётга амалий таъбиқ этилишига қаратилди.

Ҳаракатлар стратегиясини «Халқ билан мулоқот ва инсон манфаатлари йили»да амалга оширишга оид Давлат дастури доирасида 30 дан ортиқ қонунолар ҳамда 900 дан ортиқ қонуности ҳужжатларининг қабул қилиниши кенг қўллами ислоҳотлар, иктисодиёт ва ижтимоий соҳани жадал ривожлантириш, халқ фаровонлигини юксалтиришнинг мустаҳкам ҳуқуқий пойдевори бўлиб хизмат қилди.

Ўзбекистон Республикасининг Президентининг Виртуал қабулхонаси ва Халқ қабулхоналари, шунингдек, ҳар бир давлат органида ташкил этилган фуқароларнинг муносабатлари билан ишлаш бўйича махсус бўлимлар аҳоли билан ишлашнинг сифат жиҳатидан янги самарали тизимини шакллантиришга хизмат қилди.

Ўзбекистон Республикасида Мазмурий ислохотлар концепцияси давлат бошқарув тизимини тубдан ислоҳ қилиш, «Электрон ҳуқумат» ва давлат хизматлари кўрсатиш тизимини ривожлантириш, иктисодиётга маъмурий таъсирни кискартриш ҳамда бошқарувнинг бозор механизмларини кенгайтириш, соғлом рақобат муҳити ва қўлай инвестиция иқлимини яратиш бўйича аниқ чора-тадбирларни белгилаб берди.

Суд-ҳуқук тизимида судларнинг ҳаққоний мустақиллигини таъминлаш, суд кадрларини тан-

лаб олишнинг демократик ва шаффоф механизмини шакллантириш бўйича комплекс чора-тадбирлар амалга оширилди. Жойларда маъмурий ва иктисодий судларнинг ташкил этилганлиги одил судловга эришиш даражасини ошириш имконини берди.

Ҳуқуқни муҳофаза қилувчи органлар тизимини ислоҳ қилиш, ҳуқуқбузарликларни барвақт профилактика қилиш ва жиноятчиликка қарши курашиш бўйича қўрилган чора-тадбирлар натижа-сида мамлакатда жиноятчиликнинг умумий кўрсаткичи 15,7 фоизга камайишига эришилди, 1,2 минг маҳаллаларда бирорта жиноят содир этилишига йўл қўйилмади.

Илгари, асосан хавфсизликка хавф-хатар ва таҳдидлар оқибатларига қарши курашиш билан чекланган терроризм ва экстремизмга қарши курашиш бўйича чора-тадбирларни амалга оширишга ёндашувлар концептуал қайта кўриб чиқилди. Мазкур муаммоларни ҳал қилишда, биринчи навбатда, ёшларнинг ҳуқуқий маданияти ва маънавиятини юксалтириш орқали одамларнинг онги учун курашиш устувор вазифа этиб белгиланди.

Ўз тақдирини Ўзбекистон билан боғлаган, мамлакатимиз фаровонлиги йўлида ҳалол ва виждонан меҳнат қилаётган, ўзларига боғлиқ бўлмаган ҳолатларга қўра фуқаролиги бўлмаган шахсга айланиб қолган фуқароларнинг ҳаётий муҳим масалаларини ҳал этишга алоҳида эътибор қаратилди. Утган даврда 1 243 нафар шахс Ўзбекистон Республикаси фуқаролигига қабул қилинди.

Иктисодий соҳада кенг қўллами ўзгаришлар амалга оширилди, энг аввало, Ўзбекистоннинг ўз мажбуриятларини бажариш ва чет эл ҳамкорларининг даромадларини репатриация қилиш, мамлакатнинг инвестициявий жозибдорлигини ошириш учун шарт-шароитларни таъминловчи миллий валюта эркин конвертациясининг жорий этилганлиги бу боралда муҳим қadam бўлди.

Давлат бюджетини шакллантиришнинг тамомилан янги принциплари ва механизмлари жорий этилди, унинг даромад ва харажатларни шаффофлигини таъминлаш бўйича чора-тадбирлар амалга оширилди. Давлат активларини

бошқаришнинг самарадорлигини ошириш ва бюджетнинг даромад қисмини кўпайтиришга қаратилган ишга солинмаган захиралардан фойдаланиш чоралари қўрилди.

Биринчи босқичда — узок муддатли (10-15 йилга мўлжалланган) тармок, худудий ва максалли ривожланиш концепцияларини ишлаб чиқиш ҳамда тасдиқлаш, иккинчи босқичда — тармок, худудий ва максалли лойиҳалар портфелларини тузиш, учинчи босқичда — ривожланиш давлат дастурларини шакллантиришни назарда тутувчи Ўзбекистон Республикасининг ривожланиш давлат дастурларини шакллантиришнинг мутлақо янги тартиби тасдиқланди.

Ижтимоий соҳани ривожлантириш бўйича комплекс тадбирлар, биринчи навбатда, фуқароларни ижтимоий ҳимоя қилиш ва соғлигини сақлашни кучайтириш, аҳолини арзон ва сифатли дори воситалари билан таъминлаш, фуқароларнинг бандлиги ва реал даромадларини ошириш, арзон ижтимоий уй-жойлар қурилишини кенгайтириш, ногиронлиги бўлган шахсларни ҳар томонлама қўллаб-қувватлашга қаратилди.

Шаҳарлар ва қишлоқларда умумий турар жой майдони 3,5 миллион квадрат метрдан ортиқ бўлган намунавий ва кўп қаватли уйлар қурилди. Турар жой қурилиши ҳажмлари 2010 йилга нисбатан 3,5 бараварга ошди.

Халқ билан мулоқот натижалари бўйича 11 йиллик умумий ўрта таълимни қайта тиклаш ҳақида қарор қабул қилинди, олий таълим муассасаларига қабул қилишнинг шаффоф механизмлари жорий этилди ва квоталар жиддий равишда оширилди. Олий ўқув юртидан кейинги таълим тизими халқаро стандартларга мувофиқлаштирилди.

Миллатлараро тинчлик ва тотувликни, пухта ўйланган ва ўзаро манфаатли ташқи сиёсат амалга оширилиши таъминлаш бўйича чора-тадбирлар қўрилганлиги натижа-сида қўшни давлатлар билан ишончли муносабатлар йўлга қўйилди, Марказий Осиё худудда савдо-иқтисодий, маданий-гуманитар алоқаларини ривожлантириш учун қўлай шароитлар яратилди.

ИСТИҚБОЛЛИ ЛОЙИҲАЛАР ХАЛҚИМИЗ ФАРОВОНЛИГИГА ХИЗМАТ ҚИЛМОҚДА

Аввал хабар қилинганидек, Президентимиз Шавкат Мирзиёев ижтимоий-иқтисодий ислохотларнинг бориши, белгиланган вазифалар ижроси билан танишиш мақсадида 19-20 январ кунлари Сурхондарё вилоятида бўлди.

Ўзбекистон Республикаси Президенти, Қуролли Кучлар Олий Бош Қўмондони Шавкат Мирзиёев Сурхондарё вилоятига ташрифининг иккинчи кунини Жануби-ғарбий махсус округига қарашли ҳарбий қисмда бўлди. Хавфсизлик кенгашининг кенгайтирилган таркибдаги йиғилишида берилган вазифалар қандай бажарилаётгани билан танишди. Ҳарбийлар билан мулоқот қилди.

Мамлакатимизда янги тақрирлиги Мулоффа доктринаси қабул қилинди. Ундан қўзланган асосий мақсад миллий армиямиз жағовар қудратини ошириш, халқимизнинг тинч ва осуда ҳаётини янада мустахкамлашдир, деди давлатимиз раҳбари. Доктринада Ўзбекистон ташқи сиёсатининг оқинлик тамойили, яқин қўшнилар билан дўстона ва амалий муносабатларни ривожлантириш, давлатимиз мустақиллиги ва суверенитетини янада мустахкамлаш устувор вазифа сифатида белгилаб қўйилди.

Мамлакатимиз геостратегик жойлашувининг ўзига хослиги, шунингдек, минтақада юзага келмаётган ҳарбий-сиёсий вазиятни ҳисобга олган ҳолда, Қуролли Кучлар бирлашмаларининг вазифа ва тузилмалари қайта кўриб чиқилди. Мулоффа соаноти бўйича давлат қўмитаси тузилди. Ҳарбий кадрлар тайёрлаш соҳасида олиб борилаётган тизимли ўзгаришлар асосида Қуролли Кучлар академиясининг фаолияти тубдан қайта ташкил этилди. Мулоффа вазирлиги қўшинларини қурол-аслаҳа, ҳарбий техника ва алоқа воситаларининг замонавий турлари билан таъминлаш ишлари янги босқичга кўтарилди.

Ҳарбийларимиз жисмонан бақувват, маънан юксак, замонавий билимларни пухта ўзлаштирган шахслар бўлиши керак, деди Президентимиз. Амир Темур, Жалолиддин Манғуберди каби буюк аждодларимизга муносиб хизмат қилишларингиз лозим, токи ёшларимиз ватанпарварлик ва она юртга садоқат туйғуларига сиздан ўрнак олсин.

Учрашувда ҳарбийларнинг хизмат ва яшаш шароитини яхшилаш, фарзандлари олий ўқув юртиларига ўқишида имтиёзлар жорий этиш, уларни уй-жой билан таъминлаш ишларини янада жадаллаштириш зарурлиги қайд этилди. Бунинг



учун жойларда ташкил этилган ҳарбий-маъмурий секторлар фаолиятини такомиллаштириш лозимлиги айтилди. Ҳарбийлар ва уларнинг ончалари учун барча шароит яратиб берилди.

Мамлакатимизда санъат саройлари, театрлар фаолиятини такомиллаштириш, моддий-техник базасини мустахкамлаш, янги сахна асарлари яратиш, аҳолининг бўш вақтини мазмунли ташкил этишга алоҳида эътибор қаратилмоқда.

Термиз шаҳридаги 700 ўринли замонавий Санъат саройи ҳамда 3 минг ўринга мўлжалланган амфитеатрда «Файз-Бинокор-Олтириқ» хусусий корхонаси қурувчилари томонидан 82 миллион сўмликдан ортиқ қурилиш-монтаж ишлари амалга оширилди. Франция, Англия, Испания, Россия ва Хитойдан келтирилган замонавий овоз ёзиш ҳамда соғлом, ёритиш тизими жиҳозлари, мониторлар ўрнатилди. Санъаткор ва томошабинлар учун барча қўлайлик яратилди.

Худуди 32,5 гектар бўлган масканининг атрофи ободонлаштирилиб, кўкalamзорлаштирилди. Мусикали фаввора, автомобиллар тураридан жой қурилиди, замонавий ёриткичлар ҳамда ўрниқлар ўрнатилиб, турли дарахт ва

гул қўчатлари ўтказилди.

Давлатимиз раҳбари мазкур маданият масканига таниқли санъаткорларни тақсиф қилиб, ҳамкорликда маҳорат дарслари ўтказиш, «устоз-шогирд» альянсини янада ривожлантириш, Ҳаким Термизий ва Алломиш ҳақида спектаклар сахналаштириш лозимлигини қайд этди.

Шавкат Мирзиёев «Амударё» болалар соғломлаштириш оромгоҳида яратилган шароитлар билан ҳам танишди.

Давлатимиз раҳбари Сурхондарё вилоятига аввалги ташрифи чоғида Термиз шаҳрида «Амударё» болалар соғломлаштириш оромгоҳи барпо этиш лойиҳаси билан танишиб, худудда инфратузилма объектларини қўпайтириш бўйича топшириқлар берган эди.

Шунга мувофиқ, Сурхондарё дарёси бўйида 200 ўринли дам олиш маскани қурилиб, ўтган йил ёз мавсумида фойдаланишга топширилди. Оромгоҳда умумтаълим мактабларининг иктидорли ўқувчилари, ижтимоий ҳимояга муқтож оилалар фарзандлари, имконияти чекланган болалар дам олирилиб, соғломлаштирилади.

3 ▶

Қарор ва ижро

Президентимизнинг «Аҳолининг кам таъминланган қатламларини қўллаб-қувватлашга оид қўшимча чора-тадбирлар тўғрисида»ги қарори ижтимоий ҳимояга, ўзгалар ёрдамига муқтож инсонларга қатта далда бўлмоқда.

Меҳр-мурувват оғушида

Ўтган даврда Самарқанд вилоятида истиқомат қилаётган 2064 та оилага манзилли ёрдам қўрсатиш режаси ишлаб чиқилди. Унга асосан, 32 нафар уй-жойга эҳтиёжманд оилани янги уйлар билан таъминлаш, 160 хонадонда таъмирлаш ишларини бажариш, 1776 та оилани маънавий техника воситалари билан таъминлаш, 96 нафар тиббий ёрдамга муқтож фуқаролар соғлигини мустахкамлашга қўмлаштириш назарда тутилган.

Каттакўрғон туман Пайшанба шаҳарчасидаги Пирмамад Махмудовлар хонадонига қасаба уюшмалари вакиллари ташрифи ҳам бежизга эмас. Чунки оила бошлиғи бир неча йилдан бери хаста. Ботмонлаб келган дард мисколлаб кетди деганларидек, бемор вужудини тарқ эттиши кийин кечаяпти.

Шу кун Пастдарғон туманида истиқомат қилувчи Феруз Абдувосиев, Махмед Йўлдошев, Каттакўрғон шаҳрида яшовчи Гулнора Журасваларга ҳам бепул давола-нишлари имконини берувчи сертификатлар топширилди.

Нурилла ШАМСИЕВ,
«Ishonch» мухбири

ЎЗБЕКИСТОН ВА БЕЛАРУСЬ ЎРТАСИДА ДИПЛОМАТИК МУНОСАБАТЛАР ЎРНАТИЛГАННИНГ 25 ЙИЛЛИГИГА

Ўзбекистон Республикаси билан Беларусь Республикаси ўртасида дипломатик муносабатлар ўрнатилганига 2018 йил 21 январ кунини 25 йил тўлиши муносабати билан икки давлат раҳбарлари бир-бирларини қутладилар.

Беларусь Президенти Александр Лукашенконинг мактубида бундай дейилади: «Беларусь Республикаси ва Ўзбекистон Республикаси ўртасида дипломатик муносабатлар ўрнатилганига 25 йил тўлиши муносабати билан табрикларимни қабул қилгайсиз».

Беларусь раҳбари Беларусь — Ўзбекистон ҳамкорлиги қўллаб-қувватлашга алоҳида эътибор қаратади, дейилади мактубда.

«Ўзбекистон ва Беларусь ўртасидаги ҳамкорлиқни сиёсат жиҳатидан янги босқичга кўтариш, уни аниқ амалий мазмун билан бойитиш учун олдинда ҳамкорлигимизнинг мавжуд салоҳиятини таъқиб ишга солишдек муҳим вазифа турарди, — деб қайд этган давлатимиз раҳбари. — Шу маънода, Сизнинг Ўзбекистонга ташрифу-русу ва ўзбек халқларининг фаровонлиги йўлида мустахкамла-ниб бораверида, деб ишонч билдирган.

Ўзбекистон Президенти Шавкат Мирзиёев ўз мактубида мустахкам дўстлик ришталари, ўзаро ҳурмат ва қўллаб-қувватлаш, умумий манфаатларни ҳисобга олиш тамойилларига

3 ▶

Президентимиз халок бўлганларнинг оилаларига компенсация ажратиш тўғрисида топшириқ берди

Ўзбекистон Республикаси Президенти Шавкат Мирзиёевнинг топшириғига қўра, Қозоғистон Республикасининг Ақтобинск вилояти Ирғиз туманида «Самара — Чимкент» автомобил йўлида автобус ёниши оқибатида халок бўлган 52 нафар Ўзбекистон Республикаси фуқароси оилаларининг барчасига бир марталик нафақа ажратилиди, деб хабар беради Ўзбекистон Республикаси Президенти Матбуот хизмати.

Маҳаллий ижро ҳокимияти органлари, Соғлиқни сақлаш вазирлиги вакиллари ҳамда маҳалла фаоллари томонидан ҳалок бўлганларнинг оилаларига маънавий ва моддий ёрдам кўрсатиш бўйича зарур чоралар қўрилмоқда.

Ў.А.

Хуш келибсиз, афғонистонлик дўстлар!

Президентимиз ташаббуси билан Термиз туманида ташкил этилган Ўзбекистон Республикаси Олий ва ўрта махсус таълим вазирлиги ҳузурдаги Афғонистон фуқароларини ўқитиш таълим марказининг тантанали очилиш маросими бўлиб ўтди.

Унда Ўзбекистон Республикаси Президенти ҳузурдаги Хавфсизлик кенгаши қотиби В.Махмудов, Ўзбекистон Республикаси Президентининг Афғонистон Ислом Республикаси бўйича махсус вакили И.Эргашев, Ўзбекистон Республикаси олий ва ўрта махсус таълим вазири И.Мажидов, Афғонистон Ислом Республикаси Президентининг

ланаётганини алоҳида таъқидлади.

Ўзбекистон қўшни давлатдаги вазиятни сиёсий йўл билан ҳал этиш, тинчликни таъминлаш, барқарорликни тиклаш, иктисодиёт, таълим, фан, маданият ва бошқа соҳаларни ривожлантириш тарафлари бўлиб келмоқда. Давлатимиз раҳбари БМТ Бош Ассамблеясининг 72-сессиясида сўзлашган нутқида ҳам Афғонистондаги вазиятни барқарорлаштириш, афғон халқининг ўз тақдирини мустақил, тинч йўл билан ҳал қилишига эришиш масаласини халқаро миқёсда кўтаргани бунинг ёркин ифодасидир.

3 ▶

Туризм — тараққиёт босқичида



Бухоро — Шарқ гавҳари

Чиндан-да Бухоро Шарқ гавҳари сифатида дунёни ўзига жалб қилаётир. Йилдан-йилга сайёҳлар оқимининг ортиб бориши ҳам бежиз эмас. Туризм салоҳиятини янада ошириш, хорижий сайёҳларнинг мамлакатимизда бўлиши учун зарур инфратузилмани ривожлантириш, шунингдек, чет мамлакатларда Ўзбекистонда туризм йўналишларини оммалаштириш бўйича амалга оширилаётган ишлар тўғрисида **Республика Туризмни ривожлантириш давлат қўмитаси Бухоро вилоят ҳудудий бошқармаси бошлиғи Камол САЛОМОВ** муҳаббиримизга қуйидагиларни сўзлаб берди.

— Ҳеч бир муболағасиз айтиш мумкин, 2016-2017 йиллар мобайнида мамлакатимизда туризм янада раванк топди. Ўзбекистон Республикаси Президентининг 2016 йил 2 декабрдаги «Ўзбекистон Республикасининг туризм соҳасини жадал ривожлантиришни таъминлаш чора-тадбирлари тўғрисида»ги Фармони ҳамда «Ўзбекистон Республикаси Туризмни ривожлантириш давлат қўмитаси фаолиятини ташкил этиш тўғрисида»ги қарори билан «Ўзбектуризм» миллий компанияси негизда Туризмни ривожлантириш давлат қўмитаси ташкил қилинди ва унинг мақсад, вазифалари ва Низоми тасдиқланди. Шунингдек, қўмитанинг вилоят ҳудудий бошқармасига асос солинди.


Давлатимиз раҳбарининг 2017 йил 10-11 март кунлари Бухоро вилоятига ташрифи давомида ҳудудда туризмни янада ривожлантириш борасида амалга оширилиши лозим бўлган ишлар тўғрисида бир қатор топшириқлар берилди. 2017 йил 19 майда «2017 — 2019 йилларда Бухоро вилояти ва Бухоро шаҳри туризм салоҳиятини жадал ривожлантириш чора-тадбирлари тўғрисида»ги қарор имзоланди. Шу асосда туризм салоҳиятини жадал ривожлантириш Дастурида кўзда тутилган ҳар бир тадбирни босқичма-босқич амалга ошириш «Йўл хариталари» ишлаб чиқилди. Унга кўра:

— ҳудудда хорижий сайёҳларнинг бўш вақтларини туну-кун мазмунли ташкил этиш учун 12 гектарлик «Қадимий Бухоро» туристик зонаси, унинг ҳудудида замонавий паст каватли меҳмонхоналар, савдо-кўнгилочар марказлар, 500 ўринли амфитеатр барпо этилиши, шаҳарнинг тарихий қисмида ёпиқ бозор ва хунармандлар маҳалласи ташкил этилиши, «Бухоро Палас» ва «Зарафшон» меҳмонхоналари қайта қурилиши ва 11

хоналар 114 та ва туристик фирмалар 35 тага етди. Эндиликда меҳмонхоналар бир кунда 4000 дан ортиқ меҳмонларга халқаро стандартлар даражасида хизмат кўрсатиш имкониятига эга бўлди.


Вилоятимиздаги «Етти пир» туристик маршрути бўйича туристлар оқимини янада ошириш мақсадида Абдуллохон Гиждувоний, Муҳаммад Орифар-Ревгарий, Махмуд Анжир-Фағнавий, Азизон, Муҳаммад Бобои Самосий, Саййид Амир Кулол, Баҳоуддин Нақшбанд зиёратгоҳларида хорижий ва маҳаллий сайёҳларга қўшимча шароитлар яратилиб, туристик ташкилотлар орқали хорижий ҳамда маҳаллий сайёҳларни кенг жалб қилиш бўйича тарғибот ишлари олиб борилмоқда.

Ҳудуд туристик салоҳиятини оммавий ахборот воситалари орқали дунёга



намойиш этиш ва тарғибот-ташвиқот ишларини олиб бориш мақсадида «National Geographic» ва «EuroNews» телекомпаниялари вакилларининг ташрифи дастурига асосан Бухоро вилоятининг туристик салоҳиятини кўрсатувчи видеоликлар тайёрланди. Шунингдек, Бухоро брендини тарғиб қилиш мақсадида «WELCOME TO BUKHARA» туризм реклама ролиги тасвирга олинди.

26-28 май кунлари Бухоро шаҳридаги ўтказилган XVI халқаро «Ипак ва зираворлар» фестивали ҳамда «Бухоро туристик эркин иқтисодий ҳудудини яратиш имкониятлари ва ривожланиш истикболлари» мавзусидаги халқаро илмий-амалий конференцияда Ўзбекистон



Хитой, Малайзия, Австрия каби давлатлардан сайёҳлар ташрифи буюришмоқда. Агар кўрсаткичларни Мустақилликнинг дастлабки йиллари билан солиштирсак, келаётган сайёҳларнинг сони ва ялли кўрсатилаётган хизматлар ўн баробарга кўпайган.

Йилдан-йилга вилоят туризм инфратузилмасининг ривожланиши сайёҳлар оқимининг ортишига сабаб бўлаётди. Бунга мисол қилиб, Бухоро халқаро аэропорти ва Бухорога «Афросиёб» тезорар поездининг йўлга қўйилишини айтишимиз мумкин. Илгари Бухоро аэропорти йирик халқаро самолётларни қабул қила олмасди. Бухоро халқаро аэропорти қурилгандан кейин барча турдаги самолётларни ва юқори мартабали меҳмонларни қабул қилиш имконияти юзага келди.

Ҳудди шу мисолни темир йўл мисолида ҳам айтишимиз мумкин. Мукадам Тошкентдан Бухорога келиш учун 10 соат вақт сарфланарди. Ҳозир эса «Афросиёб» тезорар поезди йўлга қўйилгандан кейин бу вақт бор йўғи 3 соат 20 дақиқани ташкил қилаётир.

Шубҳа йўқки, туризм салоҳиятини оширишга бўлган жиддий эътибор имкониятлар эшигини янада кенгроқ очди.

«Ishonch» муҳбири
Изаатулла ҲОЖИЕВ
эзиб олди.

Ёнғин хавфсизлиги

Тошкент шаҳрида аҳоли ўртасида ёнғин хавфсизлиги қоидаларини тушунтириш ва уларга риоя қилиш бўйича соҳа ходимлари томонидан учрашувлар ташкил этилиб, юз бераётган ёнғинлар сабаби чуқур таҳлил қилинмоқда.

Олдини олган афзал

Аҳоли турар жойларида ўт чикшининг олдини олиш асосий йўналиш сифатида белгиланган. Негаки, ёнғинларнинг 90 фоиздан ортиғи хонадонларда содир бўлиб, асосан эҳтиётсизлик натижасида рўй бермоқда.

Ёнғинлар профилактикаси кундан-кунга тунан тунан ЎХБлари томонидан маҳалла гузарларида фуқаролар, мактабларда ўқитувчилар, шунингдек, корхона, ташкилот ва муассасаларда ишчи-хизматчилар ўртасида тадбирлар ташкил этилмоқда. Мактабларда ўқувчиларга ёнғинларнинг келиб чиқиш сабаблари ва болаларнинг гугурт билан ўйнаши, ўзбошимчилик билан газ ва электр асбобларидан фойдаланишнинг салбий оқибатлари ақс эттирилган видеолархалар намойиш қилинган.

Тилсиз ёв билан курашиш фақатгина ёнғин хавфсизлиги хизмати ходимларининг эмас, балки барча-барчанинг ишидир. «Ўз уйингни ўзинг асра» деган шиор ҳар бир фуқаро, оила, корхона, муассасага тааллуқли. Шундай экан, аҳолининг ёнғин хавфсизлиги қоидаларига риоя қилиши муҳим аҳамиятга эга.

Ш.САИДГАНИЕВ,

Ўзбекистон Республикасининг Биринчи Президенти Ислоҳ Каримов номидagi илмий-маърифий мемориал мажмуа биносини ёнғиндан муҳофаза қилувчи Ёнғин хавфсизлиги бўлими инспектори

Реклама ва эълонлар

БИЛДИРИШНОМА!

«Ko'chmas mulk savdo xizmati» МЧЖ
марказий идора
ҳисоб-рақами
ўзгарганлигини
маълум қиламиз

«Ko'chmas mulk savdo xizmati» МЧЖ марказий идораси томонидан ташкил этилган оммавий савдода турган мулкларга кизиккиш билдирган талабдорларга ҳамда жамият ҳамкорларига банкдаги ҳисоб рақам ўзгарганлигини маълум қиламиз: ХАТБ «DAVR BANK» Олмазор филиали, МФО — 01121, х/р: 22604000204920609001, СТИР — 207122519.

Кўшимча маълумот олиш учун манзил: Тошкент шаҳри, Олмазор тумани, 1-Қоракамини кўчаси, 1- «А» уй. Тел: (0371)228-84-48, 228-80-24. www.1kms.uz. Электрон почта: tieltsavdo@inbox.uz.

Лицензия: RR-0001.

Самарқанд вилоят қасаба уюшма ташкилотлари бирлашмаси кенгаши қасаба уюшмалари фахрийси

Ўқтам АҚРОМОВнинг вафот этганлиги муносабати билан марҳумнинг оила аъзоларига ҳамдардик билдиради.

Г.В.Плекханов номидagi Россия иқтисодий университетининг Тошкент шаҳридаги филиали жамоаси ва қасаба уюшма қўмитаси «Молия ва кредит» кафедраси мудири, доцент Шахло Абдуллаевага онаси

Шарифа КАРИЕВАНING вафот этганлиги муносабати билан ҳамдардик билдиради.

Маънавият соати

Республика иқтисослаштирилган муҳаббат ва санъат академик лицейида «Китоб — доно муаллим» мавзусида «Маънавият соати» ўтказилди.

Китоб — доно муаллим



Тадбирда китоб яратувчанлик, ақл-идрок, илму донишнинг асоси ва ҳаётни ўргатувчи мураббий эканлиги таъкидланди. Ўқувчиларнинг китобга бўлган кизиккишини янада ошириш мақсадида ташкил этилган «Энг кўп ўқиган китобхон», «Энг зийрак китобхон», «Мен ёқтирган қаҳрамон» танловлари барчага манзур бўлди. Тадбир доирасида ўқувчи-ёшлар кизикарли викторинада ҳам иштирок этиб, адабиёт оламига саёхат қилишди. Шунингдек, китоб графикаси ва миниатюра жанрида ижод қилаётган ёш rassomlar кўргазмаси уюштирилди. Китобхонлик маданиятини тарғиб этишга бағишланган видеолархалар ҳам эътибордан четда қолмади.

Зайниддин ҲАМИДОВ,
РИМСАЛ ўқитувчиси

Реклама ўрнида

«KO'CHMAS MULK FINANS INVEST»

масъулияти чекланган жамияти томонидан ташкил этиладиган тўғридан-тўғри савдолар хабарномаси!

1. Сотувчи: «SOUND-MEAL TASTE» масъулияти чекланган жамияти.

1.1. Савдо объекти: Қурилиши тугалланмаган 2 қаватли Савдо ва манзил хизмат кўрсатиш мажмуаси.

Манзили: Тошкент шаҳар, Сергели тумани, Янги Сергели ва Меҳригиде кўчалари кесилуви, 116-уй.

Бошланғич баҳоси: 3 883 053 743 (Уч миллиард саккиз юз саксон

уч миллион эллик уч минг етти юз кикр уч) сўм.

Тавсифи:
Умумий майдони 3000,0 (кв. метр), қурилиш майдони 1340,0 (кв. метр), фойдали майдони - (кв.метр)

2. Савдо ўтказиладиган санаси, вақти: 2018 йил 24 январ кунидан 2018 йил 23 феврал кунига қадар охишнинг хар кунни (байрам ва дам олаш кунларидан ташқари) соат

09.00 дан 17.00 га қадар.

3. Савдо шартлари:

1. Тўғридан-тўғри савдоларида объектни сотиб олиш бўйича савдо ташкилотчисига мурожаат қилиб, шартнома-буортма расмийлаштирилган шахс билан келишув баённомаси тузилиб, баённомага асосан, олди-сотди шартномаси тузилади.

II. Объект учун тўловларни тўлаш муддати ва шакли олди-сотди шарт-

номасида белгиланади.

4. Савдо ташкилотчиси: «KO'CHMAS MULK FINANS INVEST» МЧЖ.

Манзил: Тошкент шаҳар, Буюк Турон кўчаси, 42-уй. 7-қават, 703-хона. Лицензия: RR-0297.

Интернетдаги манзилими: kmf_auksion@mail.ru.

Тел: (0-371) 233-21-18.
Хизматлар лицензияланган.

«SURXONDARYO UNIVERSAL MULK SAVDO» МЧЖ

бошланғич баҳоси босқичма-босқич ошиб бориши тартибида ўтказиладиган чиқ аукцион савдосига таклиф этади!

«Surxondaryo universal mulk savdo» МЧЖ бошланғич баҳоси босқичма-босқич ошиб бориши тартибида ўтказиладиган чиқ аукцион савдосига таклиф этади.

Аукцион савдосида қуйидаги автомобилотранспорт воситалари сотувга қўйилмоқда:

1. Surxondaryo вилоят Давлат архитектура ва қурилиш назорат инспекцияси томонидан савдога чиқарилган,

2005 йилда и/ч, ГБАСНГ «Нексиа» русумли, 75/937 GAA давлат белгилли автотомашина. Бошланғич баҳоси — 17 989 000 сўм.

2. Термиз шаҳар Алтомиш-Термиз МЧЖ томонидан савдога чиқарилган, 2004 йилда и/ч, «Нексиа» русумли, 75/180 QAA давлат белгилли автотомашина. Бошланғич баҳоси — 4 500 000 сўм.

Аукцион савдоси Термиз шаҳар, Бахт кўчаси 3/45-уй манзилида 2017

йилнинг 21,22 феврал кунлари соат 10:00 дан бошлаб ўтказилади. Аукцион савдосида қатнашиш истагида бўлган талабдорлар «Surxondaryo universal mulk savdo» МЧЖ билан задалат шартномасини расмийлаштириб, ЧЭКИ «Хамкорбанк»даги х/р: 20208000400426628001, МФО:01001, ИНН:303172243 га сотилаётган молмулк бошланғич баҳосининг 10 фоизидан кам бўлмаган миқдорда зака-

лат пули тўлаган ҳолда арза бериб рўйхатдан ўтишлари шарт. Арзаларни қабул қилиш савдо бошланишидан бир кун олдин тўхтатилади. Мазкур автотранспорт воситаси ушбу савдога сотилмай қолганда такрорий савдолар 9 март кунни соат 10:00 дан бошлаб ўтказилади. Мурожаат учун манзил: Термиз шаҳар, Бахт кўчаси 3/45-уй. Тел: 0-376-224-36-76.

Хизматлар лицензияланган.

MUASSIS:



2007-йил 11-январда
Ўзбекистон Республикаси
Аxborot agentligida 116-raqam
bilan ro'yxatga olingan.

Bosh muharrir o'rinbosari:
Zayniddin RIXSIYEV

Tahrir hay'ati:

Abdulaziz Abdullayev, To'liqin Teshaboyev, Eson Rajabov, Ulug'bek Jalmenov, Farhod Xanapiyayev, Ravshan Bedilov, Asror Ishanxo'djayev, Muhabbat O'rmonbekova, Oksana Belousova, Timur Mamajonov (bosh muharrir o'rinbosari), Akmal Toshvay

Bo'limlar:

Kasaba uyushmalari hayoti — 256-87-63
Huquq va xalqaro hayot — 256-64-69
Milliy-ma'naviy qadriyatlar va sport — 256-82-79
Xatlar va muxbirlar bilan ishlash — 256-85-43
Elektron nashr va AKT — 256-87-73

Manzillimiz:

100165, Toshkent shahri,
Buxoro ko'chasi, 24-uy
E-mail: xatlar@ishonch-doverie.uz

Gazeta haftaning seshanba, payshanba va shanba kunlari chiqadi.
Sotuvda erkin narxda.
Gazeta «Ishonch»ning kompyuter markazida terildi va sahifalandi.

«Sharq» nashriyot-matbaa aksiyadorlik kompaniyasi bosmaxonasida chop etildi. Korxonaning manzili: Buxoro ko'chasi, 41-uy.

Tahririyat hisob raqami:

2021 0000 0004 3052 7001,
ATIB «Ipoteka» banki Yashnobod filiali,
bank kodi: 00959, STIR: 201133889, OKONK: 87100

Hududlardagi muxbirlar:

Qoraqalp'iston
Respublikasi — (+998-91) 268-92-32
Andijon — (+998-91) 475-23-60
Buxoro — (+998-93) 653-50-81
Jizzax — (+998-91) 943-67-44
Namangan — (+998-90) 260-50-77
Navoiy — (+998-93) 314-13-03
Samarqand — (+998-97) 915-50-87
Sirdaryo — (+998-90) 610-95-55
Surxondaryo — (+998-91) 233-69-07
Farg'ona — (+998-91) 141-27-70
Xorazm — (+998-90) 719-48-00
Qashqadaryo — (+998-91) 467-30-01

«Ishonch»dan olingan ma'lumotlarda manba sifatida gazeta nomi ko'rsatilishi shart. Mualliflar fikri tahririyat nuqtayi nazaridan farqlanishi mumkin.

Navbatchi muharrir:

A. Toshvay
Navbatchi:
J. Ergashev
Musahhih:
S. Shodiyeva
Sahifalovchi:
H. Abdullajlov
Boshg'a topshirish vaqti — 03:20
Topshirildi — 03:30
1 2 3 4 5
Gazeta o'fset usulida,
A-2 formatida bosildi.
Hajmi 2 bosma taboq.
Buyurtma A — 109.
31839 nusxada bosildi.
Nashr ko'rsatkichi: 133